

**DEPARTEMENT
BILDUNG, KULTUR UND SPORT**
Abteilung Volksschule

27. april 2018.

Informacije o upisu u srednje škole (Mittelschulen) i srednje škole za stručno obrazovanje sa maturom (Berufsfachschulen mit Berufsmaturität) koje važe od školske godine 2016/17.

1. Upis bez polaganja prijemnog ispita za učenice i učenike koji pohađaju «Bezirk» i «Sekundar» školu (Bezirks- und Sekundarschule)

Učenice i učenici iz «Bezirk» i «Sekundar» škole se upisuju u srednju ekonomsku školu (Wirtschaftsmittelschule WMS), u srednju školu za informatiku (Informatikmittelschule IMS), u srednju školu usmjerenog obrazovanja (Fachmittelschule FMS) kao i u srednju školu za stručno obrazovanje sa maturom (Berufsfachschulen mit Berufsmaturität BMS) na osnovu ocjena stečenih na polugodištu odnosno na kraju školske godine.

Učenice i učenici iz «Bezirk» škole imaju mogućnost da se na osnovu ocjena na polugodištu odnosno ocjena na kraju školske godine kvalifikuju za upis u gimnaziju (Gymnasium).

Predmeti koji se uzimaju u obzir za upis su isti za učenice i učenike koji pohađaju «Bezirk» i «Sekundar» školu.

U srednje škole (Gymnasium, WMS, IMS, FMS) primaju se učenici i učenice koji prilikom polaska u srednju školu nisu stariji od 18 godina. Učenice i učenici koji imaju 18 godina ili su stariji više se ne primaju.

2. Privremeni i definitivni upis

Ukoliko učenice i učenici ispunjavaju uslove (vidi tačke 3 i 4) na kraju polugodišta završnog razreda, u tom slučaju će biti privremeno primljeni u gimnaziju, srednju ekonomsku, srednju školu za informatiku i u školu za usmjereno obrazovanje. To konkretno znači da moraju postići odgovarajući uspjeh u odabranoj srednjoj školi za vrijeme prvog polugodišta (Probezeit).

Ukoliko učenice i učenici ispunjavaju uslove za upis na kraju drugog semestra u završnom razredu (Jahreszeugnis), u tom slučaju će biti definitivno primljeni u gimnaziju, srednju ekonomsku školu, srednju školu za informatiku i u školu za usmjereno obrazovanje.

Upis u školu za stručno obrazovanje sa maturom je u oba slučaja definitivna ukoliko se ispune uslovi na kraju prvog polugodišta ili na kraju školske godine.

3. Uslovi za prijem učenica i učenika iz «Bezirk» škole u gimnaziju, u srednju ekonomsku školu, u srednju školu za informatiku, u srednju školu usmjerenog obrazovanja i u srednju školu za stručno obrazovanje sa maturom

Da bi se učenice i učenici iz «Bezirk» škole bez polaganja prijemnog ispita upisali u gimnaziju moraju da ispune slijedeće uslove:

- U svjedočanstvu na polugodištu odnosno na kraju školske godine moraju u predmetima matematike i njemačkog jezika postići najmanje ocjenu 4,0.
- Prosjek ocjena u svjedočanstvu na polugodištu odnosno na kraju školske godine mora iznositi najmanje 4,7. Prilikom pravljenja cjelokupnog prosjeka na polugodištu i na kraju školske godine ocjene iz matematike i njemačkog jezika vrijednuju se duplo.

Da bi se učenice i učenici završnog razreda «Bezirk» škole mogli bez polaganja prijemnog ispita upisati u srednju ekonomsku školu, u srednju školu za informatiku, u srednju školu usmjerenog obrazovanja i u srednju školu za stručno obrazovanje sa maturom moraju da ispune slijedeće uslove:

- U svjedočanstvu na polugodištu odnosno na kraju školske godine mora se u predmetima matematike i njemačkog jezika postići najmanje ocjena 4,0.
- Prosjek ocjena u svjedočanstvu na polugodištu odnosno na kraju školske godine mora iznositi najmanje 4,4. Za računanje ovog prosjeka ocjene iz matematike i njemačkog jezika se vrijednuju duplo.

Računanje prosjeka ocjena

Prosjek se računa na osnovu slijedećih ocjena:

- a) Ocjene na polugodištu odnosno na kraju školske godine završnog razreda iz slijedećih predmeta: matematika (vrijednuje se duplo), njemački jezik (vrijednuje se duplo), francuski i engleski jezik, istorija, biologija i hemija.
- b) Za ova tri predmeta: modelarstvo (Bildnerisches Gestalten), muzičko i fizičko vaspitanje uzimaju se dvije najbolje ocjene iz svjedočanstva završnog razreda na polugodištu odnosno na kraju školske godine.
- c) Ocjene iz geografije i fizike iz svjedočanstva na kraju predzadnje školske godine.

4. Uslovi za prijem učenica i učenika iz «Sekundar» škole u srednju ekonomsku školu, u srednju školu za informatiku, u srednju školu usmjerenog obrazovanja i u srednju školu za stručno obrazovanje sa maturom

Da bi se učenice i učenici završnog razreda «Sekundar» škole mogli bez polaganja prijemnog ispita upisati u srednju ekonomsku školu, u srednju školu za informatiku, u srednju školu usmjerenog obrazovanja i u srednju školu za stručno obrazovanje sa maturom moraju da ispune slijedeće uslove:

- U svjedočanstvu na polugodištu odnosno na kraju školske godine mora se u predmetima matematike i njemačkog jezika postići najmanje ocjena 4,0.
- Prosjek ocjena u svjedočanstvu na polugodištu odnosno na kraju školske godine mora iznositi najmanje 5,3. Za računanje ovog prosjeka ocjene iz matematike i njemačkog jezika vrijednuju se duplo.

Računanje prosjeka ocjena

Prosjek se računa na osnovu slijedećih ocjena:

- a) Ocjene na polugodištu odnosno na kraju školske godine završnog razreda iz slijedećih predmeta: matematika (vrijednuje se duplo), njemački jezik (vrijednuje se duplo), francuski i engleski jezik, istorija, geografija, biologija, fizika i hemija.
- b) Za ova tri predmeta: modelarstvo (Bildnerisches Gestalten), muzičko i fizičko vaspitanje se uzimaju dvije najbolje ocjene iz svjedočanstva završnog razreda na polugodištu odnosno na kraju školske godine.
- c) Uslovljeno organizacijom škole može se desiti da se predmeti kao što su istorija, geografija, biologija, fizika ili hemija ne predaju u završnom razredu. U tom slučaju se za računanje prosjeka uzimaju u obzir ocjene iz svjedočanstva od predzadnjeg razreda.

5. Upis putem polaganja prijemnog ispita

Prijemni ispit mogu polagati sve učenice i svi učenici koji su pohađali privatnu školu ili su se tek doselili iz drugog kantona u kanton Aargau kao i sve učenice i svi učenici koji se nisu kvalifikovali za upis bez prijemnog ispita.

Prijemni ispit za gimnaziju, za srednju ekonomsku školu, srednju školu za informatiku kao i za srednju školu usmjerenog obrazovanja može se polagati tek u narednoj školskoj godini koja slijedi nakon završene «Sekundar» ili «Bezirk» škole. Prijemni ispit za srednju stručnu školu sa maturom može se polagati u završnom razredu osnovne škole. Na svim prijemnim ispitima polažu se pismeni ispiti iz matematike, njemačkog, francuskog i engleskog jezika.

Prijemni ispiti za gimnaziju odnose se na učenice i učenike iz «Bezirk» škole. Učenice i učenici iz «Sekundar» škole mogu polagati prijemni ispit za gimnaziju ukoliko mogu dokazati da su naknadno završili školu koja je istog nivoa kao i «Bezirk» škola (na primjer priznate privatne škole).

6. Prijavljivanje

Učenice i učenici završnih razreda «Bezirk» i «Sekundar» škole mogu se uz datu saglasnost roditelja prijaviti za izabranu srednju školu do 28. februara preko slijedeće platforme za prijavljivanje: Departement Bildung, Kultur und Sport (www.ag.ch/mittelschulen > Schultyp > Anmeldung).

7. Više informacija

Više informacija može se naći na slijedećim internet stranicama: www.ag.ch/bildung > [Beurteilung & Übertritte](#) i www.schulen-aargau.ch > [Beurteilung & Übertritte](#).

Od maja 2016. godine na portalu škole: Schulportal (www.schulen-aargau.ch > [Beurteilung & Übertritte](#)) stoji formular pomoću kojeg se može izračunati prosjek ocjena za prelazak u srednje škole (gimnazija, srednja ekonomska škola, srednja škola za informatiku i škola usmjerenog obrazovanja) i u srednju stručnu školu sa maturom.